

## Lää'kk

### puäzgháiddamlää'jj 44 da 45 §:n muttáz tuejummšest

Ee'ttik-kää'dd tu'mmstõdgg meáldlânji  
*mu'tet* puäzgháiddamlää'jj (848/1990) 44 da 45 §, nákkmen go tók liá 44 § pie'kken láä'jjest  
 285/2013 da 45 § láä'jjest 285/2013, puõ'ttinalla:

#### 44 §

##### *Mu'ttemoocmõš paalgáskáá'dd tu'mmstõdggid*

Puäzjee'žzed tu'mmstõ'kke obbžuurrást puäzvuá'mstee'jest lij vuõiggádvuõtt sáttad suu  
 jiiijás kuõskki á'sš paalgáskáá'dd halltõdžž kiõtt'tõõllámnalla. Paalgáskáá'dd halltõdžž  
 kiõtt'tõõllmõdžž álgg raukkád koummlo peei'v máá'ttest tõ'st, go vue'ssnek lij vuäžžam teáđ  
 puäzjee'žzed tu'mmstõdggášt.

Paalgáskáá'dd halltõdžž tu'mmstõ'kke obbžuurrást puäzvuá'mstee'jest lij vuõiggádvuõtt  
 sáttad tu'mmstõk paalgáskáá'dd sábbar kiõtt'tõõllámnalla. Tán álgg raukkád keerjlânji  
 puäzjee'žžee'st koummlo peei'v máá'ttest tõ'st, go tu'mmstõk lij uvddum teáttan 18 §:st  
 miáarktum paalgáskáá'dd sábbrest.

Paalgáskáá'dd sábbar tu'mmstõ'kke puäzvuá'msteei vuäžž äännad muttáz  
 vaaldšemvuõiggsest, jõs tu'mmstõk neu'rrad suu vuõiggádvuõdás le'be lij šõddám vâágglaž  
 jiárgášt le'be mudoi lij láä'jjuásttsaž. Jee'res pie'kkin mu'ttemoocmõ'sše suávldeť, mõõn  
 vuõiggádvuõttjäättmõdžžášt vaaldšemaá'sšin uvddum láä'jjest (808/2019) šioťteet.

Mii 2 momée'ntest lij šioťtuom, ij kuõsk paalgáskáá'dd halltõdžž tu'mmstõdgg, koin jeál  
 vuäžžamláá'pp lij miõttum le'be keá'st ouddvuásttmõšvuõiggádvuõtt lij kuõddum áá'nkani.  
 Puõccui vuäžžai vuäžž äännad muttáz jeál vuäžžamláá'v jõskkmõdžž da  
 ouddvuásttmõšvuõiggádvuõđ áánnmõdžž kuõskkja paalgáskáá'dd halltõdžž da paalgáskáá'dd  
 sábbar tu'mmstõ'kke ti'nt-a go 2 da 3 momée'ntest šioťteet.

#### 45 §

##### *Läittmõš Paalgáskoo'ddi õhttõdžž tu'mmstõdggášt*

Paalgáskoo'ddi õhttõdžž tu'mmstõ'kke vuäžž tõt, keän tu'mmstõk kuáskk, äännad muttáz tøn  
 vuádad, što tu'mmstõk ij leákku šõddám áá'sšmeáldlaž jiárgášt le'be mudoi lij láä'jj le'be  
 õhttõdžž vuákkõdžž vuásttsaž. Läittmõš tuejjeet Tá'vv-Lää'ddjánma vaaldšemvuõiggsa.  
 Jee'res pie'kkin mu'ttemoocmõ'sše suávldeť, mõõn vuõiggádvuõttjäättmõdžžášt  
 vaaldšemaá'sšin uvddum láä'jjest šioťteet.

21/2021

He'Issnest oddee'jjmannu 15 peei'v 2021

**Tää'ssvää'ld Preside'ntt**

**Sauli Niinistö**

Mädd- da meä'ctäällminister Jari Leppä

2

6